



Publicaziuns dalla vischnaunca, jamna 18

Damonda da baghegiar

Nr. 2010-1024

Datum da publicaziun: ils 7 da matg 2010

Ils patruns: Gisela Bigliel e Robert Bigliel-Warenberger, Via da scola 3, 7180 Disentis/Mustér

Il representant: Atelier Werner Schmidt, Areal fabrica, caum postal 147, 7166 Trun

Object: Sanaziun dalla casa cun construcziun da duas cucheras, construcziun d'in suttetg per vehichels, parcella 694, Via da scola 3, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 3-5-2010
Uffeci da baghegiar Disentis/Mustér

Damonda da baghegiar

Nr. 2010-1025

Datum da publicaziun: ils 7 da matg 2010

Il patrun: Pendicularas Mustér SA, Via Acletta 2, 7180 Disentis/Mustér

Il representant: Pendicularas Mustér SA, Via Acletta 2, 7180 Disentis/Mustér

Object: Tschentar in container da baghegiar (zona per stabiliments ed indrezs turistics), parcella 2932, Caischavedra, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 4-5-2010
Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2009-1061

Sigisbert Manetsch-Camadini, Via Craps 7, 7186 Segnas; sanaziun dalla tegia, parcella 3181, Prau Sura/Mumpé Tujetsch, 7186 Segnas.

Nr. 2009-1069

Christian Schuoler-Müller, Via Veier 4, 7180 Disentis/Mustér; tualetta nova cun aua (remplaza tualetta schetga) e sfunsera senza deflusiun, parcella nr. 3570, Caischavedra, 7182 Cavardiras.

Nr. 2010-1010

Esther e Carlo Simonet-Livers, Via Raveras 19, 7180 Disentis/Mustér; construcziun d'ina casa d'ina famiglia, parcella 979, Via Cavardiras 28, 7180 Disentis/Mustér.



Nr. 2010-1017

Recal AG, Via Alpsu 49, 7180 Disentis/Mustér; niev implont da scaldar a distanza, realisaziun dall'emprema etappa dalla reit da provediment per in scaldament a distanza, parcella 3626 (reit da provediment parcellas 741, 963, 764, 755,757,758,768, 760, 962, 959, 686, 640 ,685, 960, 2086, 778, 779, 780, 781, 695, 2487, 701), Via Lucmagn 24, 7180 Disentis/Mustér.

Nr. 2010-1019

Victor e Flurina Blumenthal-Barblan, Via Plauns 19, 7180 Disentis/Mustér; niev suttetg pil plaz da seser encunter sera, parcella 420, Via Plauns 19, 7180 Disentis/Mustér.

Nr. 2010-1020

Marcel e Doris Manetsch-Tobler, Via Scantschala 11, 7183 Mumpé Medel; niev curtin d'unviern vid la casa, parcella 1082, Via Scantschala 11, 7183 Mumpé Medel.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 4-5-2010
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2010-2049

Heidi ed Ignaz Bisquolm, Via Sontget 5, 7180 Disentis/Mustér; seiv viva per liung dalla Via Sontget, parcella 3645, Via Sontget 5, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 3-5-2010
Uffeci da baghegiar Disentis/Mustér

Administraziun communal

Sur Anceinza ei l'administraziun communal **serrada** naven da **mesjamna, ils 12 da matg 2010 allas 16.00** entochen **gliendisdis, ils 17 da matg 2010** allas 8.30.

Administraziun communal Disentis/Mustér

Rimnada dils rumians da casa e rufids blocconts

Els posts da rimnada dalla Regiun Surselva asta rumians da casa vegnir deponi mo en sacs verds da 15 entochen 110 liters a frs. 0.80 entochen frs. 4.80 per sac. Per rauba bloconta da pintga dimensiun (12 kg) drova ei 2 marcas cotschnas (total frs. 5.–) e per rauba bloconta da 12–30 kg 3 marcas (total frs. 7.50). Igl ei scumandau da deponer rauba bloconta da gronda dimensiun ni rumians en sacs buca ufficials dalla Regiun.

Ils sacs ufficials san vegnir retratgs dall'administraziun communal, Volg, Coop, Eurospar, Neue Disentiserhof AG, Posta e Sedrun Mustér Turissem. Il davos temps eis ei vegniu deponiu repetidamein rumians en ina fuorma buca lubida (sacs buca ufficials ni en ina outra moda) els posts da rimnada. En plirs cass han ins saviu eruir ils pertuccai e la Regiun Surselva ha instradau ina procedura da castitg.



Tgi che depona sacs buca officialas e rauba blocconta senza la taxa d'emballadi vegn castigaius cun frs. 100.– ed en cass da repetiziun cun frs. 200.–. Gest tenor situaziun vegn ei aunc incassau per l'inquisiziun e la taxa da copiatura frs. 80.– sco era ina taxa da dismessa da frs. 50.–.

Nus supplichein vischinas e vischins d'observar las prescripziuns vertentas e da contribuir ad in bi maletg da nosa vischnaunca. Ils organs communalas ein obligai d'annunziar surpassaments alla Re- giun Surselva. Per Vossa collaboraziun admettein nus a Vus in cordial engraziament.

Suprastonza communalas Disentis/Mustér

Sezs e tegias da laghetg per il diever da catscha

El decuors dils davos onns ei vegniu erigiu sin intschess dalla vischnaunca da Mustér in tschuppel sezs aults e sezs per la catscha. Per part han quels era caschunau malaveglia denter catschaduras e catschadurs e cheutras fastedis als organs communalas. Il diember e per part era il volumen e la construcziun da quels sezs ha priu ina dimensiun che sforza la vischnaunca da Mustér ad ina regla- mentaziun e controlla pli rigurusa. Ultra da quei ei vegniu constatau che buca tuts sezs ein annunziai.

La suprastonza communalas supplichescha in e scadin catschadur, aschinavon ch'el ei buca gia vegnius envidaus uonn cun in scriver persunal, d'indicar ses sezs cun il formular uffical. Il formular sa vegnir retratgs dall'administraziun communalas ni via internet www.disentis.ch/spurtegl_virtual/uffeci_forestal ed ei d'inoltrar entochen ils **31 da matg 2010** agl uffeci forestal, caum postal 57, 7180 Mustér.

D'annunziar ein tut ils sezs, era quels ch'ei gia vegni annunziai correctamein ils davos onns. Quella obligaziun vala per tut ils sezs ad ault, sezs giun plaun e tegias da laghetg. Sin fundament dallas an- nunzias dispona la vischnaunca silsunter d'in inventari da quels objects erigi per gronda part sin terren public. Ils sezs e las tegias da laghetg che vegnan buca annunziai vegnan allontanai entras il menaschi tecnic dalla vischnaunca ed ils cuosts persunter adossai als possessurs.

Suprastonza communalas

Serrada dalla via Cavardiras–Pardomat

Tschancun: Baselgia da Cavardiras entochen Pardomat

Termin: Sonda, ils 8 da matg 2010 naven dallas 13.30 entochen allas 16.00 resta la via serrada

Nus engraziein per Vossa capientscha.

Suprastonza communalas

Purschida gratuita

La vischnaunca da Mustér porscha a ses habitonts la pussevkladad da visitar gratuitamein la *Casa da traffic a Lucerna* (www.verkehrshaus.ch). Al spurtegl dall'administraziun communalas sa per **mintga di** digl onn vegnir retratg **5 entradas gratuitas**. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi spezial (frs. 4.– reducziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiari cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communalas Mustér (tel. 081 920 36 36 ni e-mail: admin@disentis.ch).

Nus giavischein ina nunemblideivla aventura el museum il pli frequentau en Svizra.

Suprastonza communalas



**Corporaziun manteniment da vias / Korporation Strassenunterhalt
Radunonza generala / Generalversammlung
Invitaziun/Einladung**

Mesjamna, ils 12 da matg 2010 allas 20.15 uras en casa da Gion Battesta Manetsch a Mompé Medel. Mittwoch, 12. Mai 2010, um 20.15 Uhr im Haus Gion Battesta Manetsch, Mompé Medel.

Tractandas:

1. Elecziun d'in dumbravuschs / *Wahl des Stimmenzählers*
 2. Protocol / *Protokoll*
 3. Rapport dil president / *Bericht des Präsidenten*
 4. Rendaquen per 2009 / *Jahresrechnung 2009*
 5. Rapport dils revisurs ed approbaziun dil quen / *Revisorenbericht und Genehmigung der Jahresrechnung*
 6. Varia
- Cordialmein envida

la suprastonza

Unterhaltsarbeiten in Nachtschichten

Infolge Unterhaltsarbeiten auf der Strecke Realp–Disentis verkehren auf dem Streckennetz der Matterhorn Gotthard Bahn verschiedene Bauzüge. Die Arbeiten werden in Nachtschichten während folgender Nächte ausgeführt: **Nächte vom: 4.–6. Mai / 10.–12. Mai / 17.–19. Mai / 26.–27. Mai / 31. Mai–2. Juni / 7.–11. Juni 2010**

Wir werden uns bemühen, die Lärmimmissionen auf ein Minimum zu reduzieren, und danken den Anwohnern für Ihr Verständnis. Für allfällige Fragen, Anregungen und Informationen stehen wir Ihnen gerne zur Verfügung. Freundliche Grüsse

*Matterhorn Gotthard Bahn, Guido Monn
Regioleiter Infrastruktur Ursern/Surselva*

**Clom d'urgenza 118
Agid dils pumpiers da tuttas uras!**

Preziadas vischinas, preziai vischins

Las vischnaucas da Medel, Tujetsch e Mustér possedan uss mo pli in corp da pumpiers. Ell'organisaziun munta quei ina gronda midada per las vischnaucas, mo cunzun per las persunas che prestan survetsch. Per Vus resta denton il clom d'urgenza 118 era egl avegnir.

Nus supplichein perquei Vus d'alarmar ils pumpiers adina sur quella numera da telefon e buc empruar da contactar pumpiers sin via privata. Vus levgeis cheutras nossa lavur e scursanis il temps d'alarmaziun marcantamein.

Dapli informaziuns anfleis Vus sin nossa nova pagina d'internet sut www.pumpiers-sursassiala.ch.

Engraziel per Vies sustegn!
Vos pumpiers Sursassiala



Camp Cadi 2: Communicaziun impurtonta!

Preziai geniturs, prezia iuvenils

Muort incaps cun nossa casa stada reservada per nus en Belgia vein nus stiu midar dimora e datum dil camp en Belgia 2010.

Il camp ha liug **niev ina jamna avon, pia denter dumengia, ils 27 da zercladur entochen sonda, ils 3 da fenadur 2010.**

Nus supplichein tut tgi ch'ei s'annunziaus da communicar a nus schebein el/ella sa vegnir. Il niev program anfleis sin nossa homepage.

Entras la nova situaziun san iuvenils che vulan era aunc vegnir s'annunziar sut www.campscadi.ch.

Nus seperstgisein per quella midada sfurzada e sperein sin Vossa capientscha.
Camps Cadi 2

Uniun da mummas

Devoziun mariana, ils **13 da matg 2010** allas 19.00 ella caplutta dalla casa s. Gions a Mustér.

Cordialmein envida
la suprastonza dall'uniun da mummas

Rega-Arzt Hans Jacomet im Disentiser Klosterforum

Am **Dienstag, 11. Mai 2010**, spricht um 20.30 Uhr im Peter-Kaiser-Saal des Klosters Dr. med. Hans Jacomet über seine 25-jährige Erfahrung und Tätigkeit als Oberarzt bei der Schweizerischen Rettungsflugwacht Rega.

Herzliche Einladung
Kloster Disentis
P. Urban Affentranger

Kollekte zur Deckung der Unkosten!

Uniun samaritana Mustér

Nies proxim exercezi meinsil ha liug:

Gliendisdis, ils 10 da matg 2010 allas 20.00 en casa da scola, Cons.

A stedia participaziun envida
la presidenta

Uniun da scursalar e spassegiar Mompé Medel Radunonza generala

La radunonza generala dall'uniun da scursalar e spassegiar Mompé Medel ha liug **venderdis, ils 7 da matg 2010 allas 20.15 a Fontanivas, local stand da sittar vegl.**

Tractandas statutaricas.



Suenter la radunonza dat ei tscheina.

Cordialmein envida
la suprastonza

Uniun da tscheiver Mustér Surdada dallas seras da tscheiver 2011

L'uniun da tscheiver Mustér surdat la sonda sera, ils 5 da mars 2011 ed il gliendisdis sera, ils 7 da mars 2011 ad ina uniun gronda ni a pliras uniuns pintgas.

La sonda sera da tscheiver ha liug en halla plurivalenta dil center da sport e cultura a Mustér. Il gliendisdis sera da tscheiver ha liug suenter la «Dertgira nauscha» en halla Cons a Mustér.

La suprastonza dall'uniun da tscheiver decida a tgi che la sera vegn surdada.

Tgi che vul colaborar ensemen cun in'atra uniun duess menziunar quei ell'annunzia. Annunzias a scret **entochen ils 10 da matg 2010** alla presidenta Christina Bundi, Via S. Gions 2, 7180 Disentis/Mustér.

Preavis radunonza generala

La proxima radunonza generala dall'uniun da tscheiver Mustér ha liug: **venderdis, ils 14 da matg 2010** allas 20.15 uras el caffè Resgia a Mustér.

Societad da tir Desertina Tir obligatori 2010

Anceinza, ils 13 da matg 2010 dallas 18.00–20.00
Gliendisdis Tschuncheismas, ils 24 da matg 2010 dallas 17.00–20.00
Dumengia, ils 22 d'uost 2010 dallas 17.30–19.00

Il tir Obligatoric ha liug a Sedrun, la Resgia.

Mintga gievgia naven dallas 18.30 ei tir liber dalla societad da tir Desertina entochen il davos da zerc-ladur, ils 24-6-2010.

La suprastonza

Uniun samaritana Mustér: Cuors BLS-AED

L'Uniun samaritana Mustér porscha il niev cuors da reanimaziun BLS-AED. (Reanimaziun cun applicaziun dil defibrilatur automatic.)

Datum: **Sonda, ils 29 da matg 2010**
Temps: 8.30–11.30 / 13.30–16.30
Liug: Casa da scola Mustér
Annunzias: Ein da far entochen ils **20 da matg 2010** tier: Yvonne Flepp, tel. 081 947 50 35
e-mail: yvonne.flepp@kns.ch

Uniun samaritana Mustér



**Uniun da dunnas Medel
Cuors da velo per in e scadin**

Mira sut Medel.

Schafwolle-Annahme Frühling 2010

Siehe unter Surselva.

Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

Biblioteca populara Mustér
